АЖРИМ

(даъво аризасини кўрмасдан қолдириш тўғрисида)

Бухоро тумани

2024 йил 5 июнь

Бухоро туманлараро иқтисодий суди судья М.Махсудова раислигида, Ю.Очиловнинг котиблигида, даъвогар вакили О.Хидиров (ишончнома асосида), жавобгар рахбари У.Азимовнинг иштирокида даъвогар "WBM Romitex" масъулияти чекланган жамияти манфаатида Ўзбекистон Республикаси Савдосаноат палатаси Бухоро вилоят худудий бошқармасининг жавобгар "Оғаробод Универсал" фермер хўжалигидан 985.357.820 сўм асосий қарз, 48.638.400 сўм жарима ундириш тўғрисидаги даъво аризаси бўйича қўзғатилган иқтисодий ишни ҳамда тарафлар ўртасида тузилган медиатив келишувни ўз биносида, очиқ суд мажлисида кўриб чиқиб, қуйидагиларни

АНИКЛАДИ:

даъвогар "WBM Romitex" масъулияти чекланган жамияти (матнда даъвогар деб юритилади) манфаатида Ўзбекистон Республикаси Савдо-саноат палатаси Бухоро вилоят худудий бошқармаси Бухоро туманлараро иқтисодий судига даъво аризаси билан мурожаат қилиб, жавобгар "Оғаробод Универсал" фермер хўжалиги (матнда жавобгар деб юритилади)дан 985.357.820 сўм асосий қарз, 48.638.400 сўм жарима ундиришни сўраган.

Суд мажлисида иштирок этган даъвогар вакили тарафлар ўртасидаги медиатив келишувни тасдиклашни сўради.

Суд мажлисида иштирок этган жавобгар рахбари тарафлар ўртасидаги медиатив келишувни тасдиклашни сўради.

Суд, ишдаги мавжуд хужжатларни инобатга олиб, даъво аризасини кўрмасдан қолдиришни лозим топди.

ИПКнинг131-моддасига кўра, тарафлар низони келишув битимини ёки медиатив келишувни тузиб ҳал этиши мумкин. Келишув битими ёки медиатив келишув даъво тартибидаги ҳар ҳандай иш бўйича тузилиши мумкин. Келишув битими иҳтисодий суд ишларини юритишнинг ҳар ҳандай босҳичида ва суд ҳужжатини ижро этиш жараёнида, медиатив келишув эса биринчи инстанция судида суд алоҳида хонага (маслаҳатҳонага) суд ҳужжатини ҳабул ҳилиш учун чиҳҳунига ҳадар тарафлар томонидан тузилиши мумкин.

Тарафлар ўртасида 2024 йил 4 июнь куни тузилган медиатив келишув профессионал медиатор Болтабоев Алишер Валиджанович (2023 йил 16 мартда берилган 001415-сонли сертификатга асосан) иштирокида тузилган.

ИПК 107-моддаси биринчи қисмининг 5^3 -бандига кўра, тарафлар ўртасида медиатив келишув тузилган бўлса, суд даъво аризасини кўрмасдан қолдиради.

Шунга кўра, суд иш бўйича тарафлар ўртасида медиатив келишув тузилганлигини инобатга олиб, даъво аризасини кўрмасдан қолдиришни лозим топади.

"Давлат божи тўгрисида"ги Ўзбекистон Республикаси Қонуни 18-моддаси биринчи қисмининг 9-бандига кўра, агар тарафлар ўртасида

медиатив келишув тузилган бўлса, ариза кўрмасдан қолдирилганда давлат божи тўлиқ ёки қисман қайтарилиши керак. Қайд этилганларга кўра, суд иш бўйича давлат божи ундирмасликни, олдиндан тўланган 34.000 сўм почта харажатини даъвогар зиммасида қолдиришни лозим топади.

Бинобарин, суд ИПКнинг 107, 131-моддасини қўллаб, 195-моддасига асосланиб,

АЖРИМ КИЛДИ:

даъвогар "WBM Romitex" масъулияти чекланган жамияти манфаатида Ўзбекистон Республикаси Савдо-саноат палатаси Бухоро вилоят худудий бошқармасининг жавобгар "Оғаробод Универсал" фермер хўжалигидан 985.357.820 сўм асосий қарз, 48.638.400 сўм жарима ундириш тўғрисидаги даъво аризаси кўрмасдан қолдирилсин.

Олдиндан тўланган 34.000 сўм почта харажати даъвогар зиммасида қолдирилсин.

Ажрим устидан Бухоро туманлараро иктисодий суди оркали Бухоро вилоят судига шикоят келтириш мумкин.

Судья

М.Махсудова

